



Synfocity = 732

mail us at : mzsynfo@gmail.com; mizoramsynod@gmail.com - Phone - 2314648

May 9, 2019

❑ *FG&CC Centre thar*

Family Guidance & Counselling Centre-in Mamit-a Counselling Centre thar a siam chu May 4, 2019 (Inrinni) khan Synod Moderator Rev. R. Lalhmingthanga'n a hawng a. Centre thar hawn rual hian Counsellor awm tur Rev. Lalbiakhlira a dahngnet nghal bawk.

Mamit FG&CC thar hawnna inkhawm hi Mamit Hmunsam Kohhran Biak Inah neih a ni a, Rev. B.Sangthanga, Executive Secretary i/c FG&CC-in kaihruaiin, Rev. Lalsangbera, Director, FG&CC-in report a pe. Mamit leh Mamit Hmunsam Pastor Bial Zaipawlte an zai a, Counsellor tharin thu tawi a sawi a, Synod Statistician Upa C. Lalbiakthanga'n ÷awngñaisakna hun a hmang. Centre thar hawnnaah hian Aizawl atangin FG&CC Committee member mi 8 kalin, Inrinni zan a÷anga Pathianni zan thlengin Mamit Pastor Bial-a Kohhran 8-ah Counselling Centre Awareness leh Kristian Chhungkaw Campaign an nei nghal a ni. Synod Moderator chuan, ram ÷hang zel atana Mamit a Centre hawn a ni ta chu lawmawm a tih thu sawiin, "Counselling hi mi tin mamawh, Kohhran pawl bik awm lova mi tin hman ÷angkai tur a ni" tiin Mamit leh a chhehvel mipuiten ÷angkai taka hmang turin a fuih a ni.

FG&CC Director Report-a a lan danin, Synod hian tunah hian FG&CC hmun 8 (Mission Veng, Bawngkawn, Vaivakawn, Champhai, Serchhip, Kolasib, Lunglei leh Mamit)-ah a nei ta a. Thawktu hi Main Centre, Mission Vengah thawktu 6 awmin, Centre dang zawngah chuan 2 zel an awm a, thawktu zawng zawng hi 20 an ni. April 30, 2019 thlenga an record danin Centre pantu 26,357 an nei tawh a, kumin 2019-ah mi 1,303 an nei tawh bawk.

Mamit-a Counselling Centre hi Mamit Hmunsama Pu Laldingliana In luaha siam a ni a. Hetah hian Counsellor Quarters leh Counselling Centre a awm nghal a ni.

❑ *Synod Pastoral Committee an thu*

May 8, 2019 (Nilaini) khan Synod Office-a J.M. Lloyd Hall-ah Synod Pastoral Committee a thu a, hei hi kum 2019 - 2021 term ÷hutkhawm wawi 1-na a ni. Meeting-ah hian member 107 an kal.

Pastoral Committee meeting hi Synod Moderator Rev. R. Lalhmingthanga'n kaihruaiin Rev. R. Vanlalngbaka, Synod Secretary-in report a pe.

Report-ah hian kum 2018 Synod-in Pastor leh Pro. Pastor a sawnte leh an awmna tura a ruat thar Pastor 77 leh Pro. Pastor 30, an vaiin mi 107 te chu January 13, 2019 khan induction neihpui an nih thu te, Pastor zirna sang zawk bei mekte induction neih hun atan May 12, 2019 ruat a nih thu te, SEC-in Pastor pahnih, Rev. F. Lalremruata chu Monirampur Bial, Tripura-ah leh Rev. Samuel Lalmuanpuia Pachuau chu Koilamati Bial, Karbi Anglong-ah te awm tura a ruat thar thu te, Pro. Pastor lak thar 16 te tan Orientation February 26 - March 1, 2019 chhung khan neih a nih thu te, Synod Pastoral Ministry thupui chu Synod Inkhawmpuiin a thlan angin 'Thlarau rah - Insumtheihna' Galatia 5:23 tih a ni a, hemi thupui kaihhruaia hi OM in a siam a, semchhuah mek a nih thu te tarlan a ni.

Tun ÷um Pastoral Committee-ah hian Pro. Pastor Apan Lal Deb - Tripura Synod hnuaiia Pro. Pastor thawk mek Mizoram Synod Mission Board hnuaiia Pastor a thawh tir tura Tripura Synod ngenna chungchang te, Pastor an nupuite nena awmho thei lo kalpui zel dan tur rawtna te, Minister zirna sang zawk dilte : Pastoral Ministry hnuaiia thawk mi 7 Synod Mission Board hnuaiia thawk lai mi 8 leh Theological Education Board hnuaiia Faculty Development atana dilpuite mi 2 chungchang te ngaihtuah a ni.

❑ *Education*

◆ Kumin 2019 HSLC result tihchhuah takah Presbyterian English School chuan result ÷ha tak a nei a. Presbyterian English School hi tun dinhmunah pawl 10 nei chin School 25 an awm mek a, chung school 25 a÷ang chuan School 8-in Fail nei lovin zirnite an pass vek a ni. Exam beitu zawng zawng hi 556 an ni a, chung zing a÷ang chuan 511-in an pass a, Compartment 3 an awm a, Pass Percentage hi 91.91% a ni.

◆ May 7 & 8, 2019 khan Presbyterian English School hrang hrang tlawhin Lungchhuan leh Kawlkulhah ah te Pu P.C Vanlalhruaia, Supervisor a kal.

□ **Synod Social Front Committee Vawi 188-na a thu**

Vawiin (May 9, 2019) chawhma dar 10:00 khan Synod Office-a J.M. Lloyd Hall-ah Synod Social Front Committee vawi 188-na a thu a, member 37 an kal.

Secretary Report atanga a lan danin April 23, 2019 khan Synod Conference Centre-ah Stakeholders Interactive Meeting on HIV/AIDS neih a nih thu leh pawl (NGO) hrang hrang 10 atangin mi 19 an kal thu te, Synod Social Front-in hmalakna tura a ruahmanna te tihhlawhtlin dan tur te leh Pawl hrang hrang te thawhho theih dan tur te sawi ho a nih thu te, Church's Auxilliary for Social Action (CASA) leh Synod Social Front thawhhona 'Sustainable Livelihood Development in Champhai District' chu hma lak tan niin thawktu tur pawh lak fel tawh an nih thu te, CYMA hnuaiia SRS mi man te counselling pe tur rawih anih thu te, Synod Social Front-in eizawna mumal neilo te tan a buatsaih thin, Plumber training chu February 25 - March 8, 2019 khan Lungleiah hlawhtling taka neih a nih thu leh mi 11 in tuang taka training an zawh thu te, Synod Social Front hmingin tun hnaiah Campaign in hmun 8 ah fehchhuah a nih thu te ngaihthlak a ni.

Meeting-ah hian Synod Executive Committee (SEC) atanga Synod Social Front bawhzui tura pek 4 - Synod Social Front Inkaihhraina enthat chungchang te, Rescue Home Inkaihhraina enthat chungchang te, Champhaia Synod Rescue Home din rawtna te, Ruihhlo do kawnga chak zawka hmalak rawtna te leh thawktu dahngheh chungchang te, Positive Women Network of Mizoram hnen atanga nurse rawih sak tura ngenna te, Mizoram Environment & Forest Consultative Forum nena thawhho chungchang te, Political Education kalpui zel dan tur leh Resource Person tur te ngaihtuah a ni.

□ **Synod Mission Board leh ram pawn chet velna chanchin tlangpui**

♦ May 5, 2019 (Pathianni) khan Chhimpei Area Masihi Sangati Meet, Falkawna neihah ringthar mi 107 in baptisma an chang a. Meet-ah hian Rev. Vanlalbela speaker a ni. April thla chungin Masihi Sangati rawngbawlnaah ringthar baptisma chang 221 an awm a. January atanga April thla chungin ringthar 973 an awm tawh a ni.

♦ May 5, 2019 (Pathianni) khan Arunachal West Mission Field-ah ringthar puitling 3 leh ringtu fa 3 ten baptisma an chang a. Itanagar Pastor Bial chhunga, Ganga Vivek Vihar Fellowship 2010 a din tawh chu April 28 khan Preaching Station-ah hlankai a ni a. Tunah Member 57 awmin Dan Zawh Kim 40 an awm mek a ni. Tin, Naharlagun Fellowship 2012 a din tawh chu May ni 5 Pathianni khan Preaching Station-ah hlankai a ni baw. Tunah hian member 27 awmin, Dan Zawh Kim 24 an awm mek a ni.

♦ May 5, 2019 (Pathianni) khan Jharkhand Mission Field-ah ringthar puitling 4 leh naupang 4 in baptisma an chang a. May 7, 2019 (Thawhlehi) khan Jugia Craft Centre, Jharkhand Mission Field-ah hawn a ni a, zirlai 5 an awm a. Tun ami nen hian Jharkhand Mission Field-ah craft centre 3 a awm mek a ni.

♦ May 5, 2019 (Pathianni) khan Arunachal North Mission Field-ah ringthar puitling 2 in Baptisma an chang a. May 3 - 5, 2019 chhung khan Tato Pastor Bial Youth Conference tuang takin Sheet Kohhranah an hmang baw.

May 4, 2019 (Inrinni) zan khan Missionary NI. Lalremzuali (Zualte-i) Jonai Bial, Debing khuaa Evangelist chu misual tu tih hriat lohin, ventilation kar chhiaian zan dar 11:30 velah rawk leh pawngsual tumin a luhchilh a. Zualtei hian rilru tawngtaina nena Pathian au chungin, misual hi huaisen takin a bei let a. Pathian hnathawh mak tak avangin, Zualtei leh a sumpai engmah ruk leh tihchhiat a nei lo. May 5 Pathianni khan Bialtu Pastor hovin Jonai Police Station-ah FIR thehluh a ni a. Police ten Zualtei hnen atangin statement la nghalin a tuk May 6 Thawhtanni khan Zualtei Qtrs-ah Police te hi kalin, Spot Verification pawh an la nghal a ni. Zualtei Qtrs-ah hian Kohhran hoten tawngtairualna an hmang a. He vanduaiana avang hian Debing khawtlang hruaitute leh kan mite, Kohhranho a tipumkhat tha leh zual sawt a. A lawmawm hle. May 8 Nilaini khan Bialtu Pastor leh kan thawktuten khawtlang hruaitute thurawn bawhzuiin, buaina tawh dan kimchang hi Zirlaipawl Hruaitu Takam Mising Porin Kebeng(TMPK)-ah an thlen baw a ni. He thu buatsaih lai hian pawikhawihitu nia rinhlelh leh man erawh an la nei lo.

□ **Finance**

May 12, 2019 (Pathianni) hian Zotlang Kohhranah Finance Campaign nei turin Rev. Dr. C. Vanlalhruaia, Ramhlun Vengchung leh Upa P.C Vanlalrova, Synod Office te an kal ang.

- ❑ **Kohhran Hmeichhia**
 - ◆ May 4, 2019 khan Himali Bialah Leadership Training neihpuiin Pi Thangthuami leh Pi Lalrinliani, Central Kohhran Hmeichhe Comt. member-te an kal.
 - ◆ May 10 - 12, 2019 chhung hian Chawngtlai Bialah Kristian Chhungkaw Seminar leh Campaign neih turin Central Kohhran Hmeichhe Committee member-te Pi Zangeni, Pi Zoluri Sailo, Pi Lalhmingliani leh Pi Lalthlamuani te an kal ang.
- ❑ **KTP**

May 6 - 9, 2019 chhung khan Mualkawi Branch KTP Diamond Jubilee hmanpuiin Committee member-te T.Upa Lalsiammawia Pachuau leh Pu Rorelkima te an kal.
- ❑ **Revival Dept.**

May 3 - 5, 2019 chhung khan Synod Revival Dept. hmalaknain Operation Nehemia neih leh a ni a, group 10 ah inthenin mi 566 hnenah rawngbawlina neiin Aizawl khawchhung leh Dai velah te hun an hmang a ni.
- ❑ **Synfo**
 - ◆ Hruaina Eng channel hi LPS 123 -ah leh Zonet 12-ah thlir theih reng a ni a, Kohhran hote lo thlir turin kan insawm e.
 - ◆ Hruaina Eng TV Programme Susamachar Prasaran programme pawh Pathianni tlai dar 5 -ah LPS 1 -ah leh Zonet Zawlbuk-ah tihchhuah thin a ni a, thlirtuten min lo thlirsak vek turin kan sawm a che u.
 - ◆ Synfo Recording Studio-ah Video leh Voice recording a tih theih a, kohhran hote hmang duh kan awm chuan Synfo Coordinator hnenah dil theih a ni a, hei bakah hian Office Phone no. 2314648 ah pawh biak theih a ni e.
- ❑ **Campus Ministry**
 - ◆ May 2, 2019 khan Sihphir Venghlun High School-ah 'Prevention of Substance abuse' programme hman a ni a. Counsellor-in hun hmangin 'Zuk leh hmuam leh ruihhlo hrang hrangin thalaite nun a tihchhiat dan leh an nuna harsatna a thlen dan a lem nena entirin power point presentation a nei a, zirlaite chu heng thil thalo laka inthiarfihlima tichhin lo turin a chah.
 - ◆ May 6, 2019 khan Pianghleia High School-ah 'Special Lecture' hun hman a ni a. Counsellor-in hun hmangin tunlai thalaite invenna tur thil hrang hrang - nuam lam ringawt umna, zu leh ruihhlo, mipat hmeichhiatna hmansual, dawngdahna etc., chungchange sawiin, heng lakah hian fihlim turin zirlaite a fuih.
 - ◆ May 8, 2019 khan Apollo School of Nursing-ah hun an hmang leh a ni.
- ❑ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Chhawmdawlina pek zat</i>
1.	Lamchhip	Rial tla tuar	13	Rs. 84,000/-
2.	Vairengte Chhimveng	Thlipui tuar	10	Rs. 79,000/-
3.	New Eden	Thlipui tuar	6	Rs. 60,000/-
4.	New Eden	Damlo	1	Rs. 8,000/-
5.	Ngopa Chhimveng	Damlo	1	Rs. 8,000/-
6.	Zohmun Kawnzar	Damlo	1	Rs. 8,000/-
7.	Chhingchhip Venghlun	Damlo	1	Rs. 8,000/-
			TOTAL	Rs. 2,55,000/-

- ❑ **Hruaina Eng FM Radio**
 - ◆ **MAY 10, 2019 (FM Zoawi Aizawl @ 7:30 p.m.):**
 - Solo** : Esther Lalthianghlimi - Kraws kawng
 - Thusawi** : Rev. Krawschhuanmawia - Beiseina
 - Zaipawl** : ITI Kohhran Zaipawl - Chawl hman kan ni lo
 - Kohhran Rawngbawlina hrang hrang**

♦ **MAY 10, 2019 (FM Zoawi Lunglei @ 7:30 p.m.):**

Solo : R. Lalbiaksanga - Van angel thianghlim

Thusawi : Rev. Krawschuanmawia - Beiseina

Zaipawl : Saiha Presby BZP - I hniakhnung ka zui nang e

Kohhran Rawngbawlna hrang hrang

□ **Hruaina Eng TV Programme**

Susamachar Prasaran Programme

♦ **MAY 12, 2019 (Pathianni) 5:00 pm. :**

Group/Choir/Solo : Synod Mission Choir - Ye aaj ki sunhari

Group/Choir/Solo : Chawnpui Kohhran - Saron Ka Gulab

Testimony : Shilajit Chakraborty

Group/Choir/Solo : Dawrpui Bial Masihi Sangati - Jaya

Group/Choir/Solo : Shibani Chetia - Mur Mon Aji Bohu Dur

♦ **MAY 12, 2019 (Tv Programme) @ 4:00 - 6:00, 8:00 - 9:00 p.m) :**

MTC Graduation Day, Weekly Round Up, KṚP Kumpulan Film 2019

□ **Moderator leh Executive Secretary-te Programme:**

Rev. R. Lalhmingthanga : Moderator

May 12, 2019 (Pathianni) hian Mumbai-ah Pastor Induction turin a kal ang.

Rev. Lianhmingthanga Sailo : Senior Executive Secretary

May 11 & 12, 2019 hian Pastor Induction turin Bilkhawthlir Hmarvengah a kal ang.

May 12 & 15, 2019 hian Synod Finance Committee meeting-ah a ṭhu ang.

May 16 - 18, 2019 chhungin Pastor Quarters chungchang enfiahin Khawzawl, Champhai Kanan leh Zokhawthar-ah te a kal ang.

Rev. B. Sangthanga : Executive Secretary

May 10 - 12, 2019 chhung hian Pastor Induction turin Farkawn-ah a kal ang.

May 14 & 15, 2019 hian Synod Finance Committee meeting-ah a ṭhu ang.

Rev. K. Lalrinmawia : Executive Secretary

May 12, 2019 (Pathianni) hian Pastor Induction turin Sesawngah a kal ang.

May 14 & 15, 2019 hian Synod Finance Committee meeting-ah a ṭhu ang.

May 16 - 19, 2019 chhungin Missionary retreat a hmanpui ang.

HNA RUAK DIL THEIH

Mizoram Presbyterian Kohhran, Synod Office-a thawk turin a hnuai a hna tarlan hi lak a ni dawn a, kum 18-35 inkar, ni 29.5.2019-a kum 18 pum, kum 35 la pumhlum lo tan dil theih a ni. Zuk leh hmuama fihlim tan dil theih a ni. Computer thiam duhsak theih a ni ang. Hna dilna Form hi Dt. 24.4.2019 aṭangin Synod Office-ah a lakchhuah theih a. Hna dilna Form-ah hriat tur pawimawh tihlan a ni.

Hna hming : Assistant Coordinator (Regular)

Post zat : 3 (pathum)

Thiamna : Graduate of any recognised University

Hlawh : Synod Pay Matrix Level - 8 step 1 Rs. 19,300/-

Dil theih hun chhung : Dt. 20.5.2019 (Thawṭanni), 5:00pm thleng

Screening test / exam : Dt. 22.5.2019 (Nilaini), 10:30am

Interview : Dt. 28.5.2019 (Thawhlejni), 10:30am

Sd/-

(Rev. Lianhmingthanga Sailo)
Secretary, Synod Service Board